

www.e-rara.ch

Summa iuris canonici comprehensa tribus partibus

Strein, Johann

Coloniae Agrippinae, 1658

Zentralbibliothek Zürich

Shelf Mark: RRR 50

Persistent Link: <http://dx.doi.org/10.3931/e-rara-31071>

[Epistola dedicatoria].

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



DEDICATORIA.

ADMODVM REVERENDO, AC PRÆNOBILI DOMINO,

D. FRANCISCO
CONRADO,

IMPERIALIS ECCLESIAE
MAIORIS BAMBERG. & COLLEGA-
TAE COMBURGENSIS PRAEPOSITO, HERBI-
POLENSIS ITEM CATHEDRALIS CUSTODI,
Domino meo perquam gratioso.

Quemadmodum fons parvus olim Mardocheo per som-
nium conspectus *Esther. c. 10.* crevit in fluvium, & in aquas
plurimas redundavit, ita Legum, & Canonum doctrina
modicis primò terminis contenta succrescentibus annis,
populis, & ingeniis in eam latitudinem ac vastitatem in-
turmuit, ut non jam fluvio alicui, sed Oceano par esse vide-
retur. Immensa veteris lris volumina, & opus desperatum *lustrinantis*
Imperator ipso Institutionum suarum exordio agnoscit, & res ipsa lo-
quitur, cum resectis incredibili labore, ac studio minùs necessariis, quali
expressam

EPISTOLA DEDICATORIA.

expressam medullam non paucioribus, quam 50. Digestorum, & 12. libris Codicis posteritati relictam esse videamus. In cujus materiae explanationem postquam defudare peritorum ingenia coeperunt, prolixis, inconditis, & multa verborum barbarie refertis Commentariis, quae illustranda erant, obscurarunt. Pulchrum videbatur, ut cum *Budao* loquar, aucupandae gloriae cupidis dicta majorum refellere, Pandectarum, ac Constitutionum scripta evertere, contorquere, distorquere, vim antiquorum scitis inferre, verborum aucupia, syllabarum tendiculas, literarum decipulas comminisci, nihil denique non inceptare.

Haud multo felicior iuris Pontificii ortus, & progressus fuit. Cum aliis non mediocribus malis Decretorum acervus immensum crevit. Sua cuique Praesuli auctoritas ad sancendum leges robur addidit, quod nemo successoris sui potentiam minuere possit. Quam fiduciam effectum est, ut novis praecipis magna volumina replerentur: in quibus tandem *Gregorius IX.* Pontifex supervacaneam identitatem, prolixitatem, & confusionem animadvertens in certum ordinem, & volumen unum per *Raymundum* poenitentiarum suum redegit. Illum post id aemulatus *Bonifacius VIII.* non modò, quae supererant variis titulis sparsa, secrevit, & libri sexti nomen praefixit, sed insuper Regulas addidit, quibus discantium memoria, & intelligentia juvaretur. Etenim aliud nihil Regula est, quam brevis rerum narratio, aut sententia generalis ex plurium legum mente à iurisperitis notata, paucis verbis summam illarum contentionem, & quasi harmoniam complectens. Sed brevitati illi non rarò commixta obscuritas est, expositionis radio depellenda. Quo in studio multi ingenio, & doctrinam praestantes viri operam suam posuere explanando, quae minus clara erant, eaque corroborando exemplis, objecta denique diluendo.

Vnum in quibusdam correctione dignum occurrit, sacrae, ac Theologicae scientiae ignoratio, per quam in devia subinde protacti minus puram, solidamque doctrinam adferunt. Quod non semel cum annotassem, operae pretium facturum me existimavi, si Theologicae scientiae, quam professus annis compluribus fueram, consentientem Regularum Canoniarum expositionem discere volentibus conficerem. Quod an pro voto consecutus sim, non alium extra te, *perquam Gratiosè Domine*, iudicem requiro. Te, inquam, in quo generis summa nobilitas, cum incredibili humanitate, literarum, ac scientiarum penè omnium perfectio cum excel-

EPISTOLA DEDICATORIA.

sa Dignitate certat. TV primam ætatem optimis studiis, virilem præclaris officiis & muneribus illustrem reddidisti. Conspicuis omnium in oculis est antiquissimæ profæpiæ lucidissimus splendor, à maioribus obtentus, propriis, & heroicis actibus mirificè cumulatus: benè merendi de aliis promptissima voluntas, ex placido isto, serenoque vultu emicans, intuentium animos mirabiliter devinciens, rara omninò, & exquisita prudentiæ lux, in multis, magnisque negotiis Principum virorum admiratione comprobata. Iam verò avitæ Religionis studium, rerum divinarum cura, pietatis amor, in bonis constantia, cœlitum favore aucta, conservataque nemini ignota, amore, & admiratione percellit etiam invitos: ut iam perquirere nullus audeat, cur adversum graculos unum Te præ aliis omnibus Commentarii huius protectorem elegerim.

Excipies igitur, quâ soles comitate lucubrationem hanc suâ tenuitate minimam, incultâ specie horridam, virium defectu timidam, ut favore, & auxilio tuo secura perstet. Annis fessum me, & viribus belligero STADIONUM scuto tuebere, ne si allatrare silicernium livor videat, improbo conatu prævaleat. D. O. M. interea supplicibus votis obtestabor, ut amplissimæ Dignitati tuæ cum multorum annorum prospero, ac tranquillo cursu in hac vitâ felicitatem, in alterâ verò omnium virtutum meritis cumulado sempiternam impertiatur beatitudinem. Anno Christi M. DC. LVIII, Idib. Decemb.

Adm. Rev. ac Pranob. D. Vestræ.

humillimus in Christo servus

IOANNES STREINIUS
Societ. IESU.

* 3

CENSU-